



Svmma Juris Canonici

Comprehensa Tribus Partibus In Qva Distincte Et Svccincte Explicantur,
quæ ad personas, negotia, & iudicia Ecclesiastica ex Canonum præscripto,
pertinent

Sive Antinomia Ivris Pontificii Et Cæsarei - per CCL. Differentias plurium
Doctorum auctoritate probatas, singulari studio in certas classes reducta,
discussa, & explicata

Strein, Johann

Coloniæ Agrippinæ, 1658

CCXXVIII. Differentia 13. Blasphemis jure Canonico solennis pœnitentia,
vel pecuniaria pœna statuitur,

[urn:nbn:de:hbz:466:1-61864](https://nbn-resolving.org/urn:nbn:de:hbz:466:1-61864)

Blasphemis iure Canonico solennis penitentia, vel pecuniaria pena statuitur, c. 2. de maledicis, iure civili mortis supplicium, Novell. Vt non luxur. homines. §. Et quoniam, Canif. 53.

I. Blasphemia Theologis est verbum contumeliosum, seu convitium, quod profertur in Deum, vel Sanctos, attribuendo nimirum, quod illis non convenit, vel quod convenit, negando. *S. Thom. 2. 2. q. 13. Navarr. c. 13. n. 81.*

Legitur extendunt ad maledicentiam, & ad homines quoque referri blasphemiam volunt cum *Bartolo in l. Item apud, §. Ait prator, ff. de iniur. de injuria priore modo accepta Gregorii IX. Sanctio est in c. cit. ut, qui contra Deum vel aliquem Sanctorum, maxime B. Virginem blasphemiam protulerit, septem diebus dominicis præ foribus Ecclesie in manifesto existens, ultimò illorum dierum pallium, & calceamenta non habeat, ligatus corrigiâ circa collum, septemque præcedentibus sextis feriis in pane, & aqua jejuret, Ecclesiam nullatenus ingressuros. Insuper quol. prædictorum dierum tres, duos, aut unum pauperem reficiat. Quod si ipsius facultates ad hoc non sufficiunt, in aliam mutetur penam: si renuat suscipere, interdicto Ecclesie ingressu, etiam ecclesiasticâ sepulturâ careat. Præterea per temporalem potestatem coactus, si pauper non est 40. solidorum, vel 30. aut 20. penâ*

mulsetur, nullo misericordie respectu. Sed hæc cum tempore evanuerunt, & blasphemia aliter, atque aliter hic & alibi castigatur. *V. Silv. v. Blasphemia, n. 8.*

II. Leges quod attinet *Iustinianus Imperator in cit. Novellæ secutus* Mosaicam legem *Levit. 24. penâ* mortis affici blasphemios jubet. A qua severitate brevi cessatum est, aliis, aliisque modis communi, & quotidianum crimen persequendo. *V. Tholos. l. 33. c. 12. Clarum §. Blasphemia. Boërum Part. 2. q. 301. n. 9. Navarr. c. 13. n. 81. & seq.* Nec idem sacrorum præsulum sentus, aliqui negligunt, vel dissimulant correctionem desperantes: alii monitione, aut redargutione satisfactum putant. Non paucis pecuniaria multa in oporatis est, quod in aliis quoque vitiis, erapulâ, detractone, convitiandilibidine, & aliis pii homines vident, & dolent. Sed prævalet impia consuetudo in tantum, ut audientes blasphemias non irâ & indignatione, sed risu excipiant, ut *Ign.*

Lopez. in Pract. crim. c. 114. annotavit.

* *